

15 октябре

1940 ар

№ 79 (125)

Номерлэн дуныз 5 коп.

# ВЫЛЬ УЛОН

2-ти АРЗЗ ПОТЗ

ВКП(б)-лэн УАССР-ыс

Понино Райкомезлэн

но Райсоветлэн

газетсы,

## Удмуртилэсь 20 ар тырмонзэ вылесь вормон'ёсын пумиталом

Туэ 4-тй ноябре, Удмуртской автономилэн Кылдэмезлы 20 ар тырме. 20 ар талэсь азьло 4-тй ноябре 1920 арын Великой Октябрьской Социалистической революцилэн вождьез В. И. Ленинэн удмуртской калыклэсь автономизэ кылдытон сяркысь декрет гожтэмын вал.

20 ар кустын удмуртской калык промышленностьын, сельской хозяйствын но ужлэн вань пöртэм участок'ёсаз бадзымесь вормон'ёс басьтйз. Вормон'ёс басьтыны быгатйз со большевистской партилэн кивалтэмез улсын, калык'ёслэн котькыче тушмон'ёсыныз непримиримой нюр'яськон нуса, куд'ёсыз турту вал удмуртской калыкез капиталистической но национальной зйбет улэ кыскыны.

Удмуртской калыкы аслэсьтыз автономизэ кылдытэм нуналысен 20 ар тырмон—туж бадзым но важной событие. 1940 арлэн 4-тй ноябрь нуналэ асьме республикаысьтымы трудящойёс понна всенародной праздникеныз луыны кулэ. Та нуналэ Удмуртиысь трудящойёс 20 ар чоже ужалмылы итог лэсьтозы республикамылэн хозяйственной но культурной строительствоз синмаськымон вормон'ёс бастэмзылы, эшшо одйг пол возматозы социалистической родиналы асьсэлэсь преданностьсэ, большевистской партия котыре огазаяськемзэс, асьсэлэсь пöсь яратонзэс великой дышетысьлы, друглы но вождьлы Сталин эшлы.

Удмуртимылэн 20 ар тырмонзэ азелы дасяськыса, районьысьтымы трудящойёс ужлэн котькуд участок'ёсаз добитесь кариськоно луо выль азинскон'ёсты. Ужысь вань тырмымтэозы быдтыса, юбилейазе лыктоно ужлэн вань участок'ёсаз выль вормон'ёсын.

Однако, районьысьтымы колхоз'ёс Удмуртилэсь 20 ар тырмонзэ пумитаны ляб дасясько на. Районмы быдэсак бере кыле государствалы пöртэм обязательной поставкаосты тыронэн. Районьысьтымы куд-огез колхоз'ёсмы та дырозь государствалы ю-нянь сётонзэс өз быдэстэ на, ушьямон уг мыны кутсаськон но кын улэ гырон. Тросаз колхоз'ёсын али ке но өз умоя на трудовой дисциплина.

Партия но правительство колхозник'ёс азе задача пуктызы колхоз'ёсын ужан дисциплинаез юнматыны, сельскохозяйственной артельлэсь уставзэ юн быдэс'яны. Котькуд колхозник но колхозница

колхозной производствын ужаны кулэ быдэс сельскохозяйственной ар чоже, честно но добросовестно. Кулэ решительно нюр'яськыны рвач'ёсын, лодырьёсын, колхозлэн чырты вылаз улйсьёсын.

Районьысьтымы котькуд колхозлэн задачаез луэ Удмуртимылэсь 20 ар тырмон юбилейзэ вань сельскохозяйственной уж'ёсты образцово йылпум'яса пумитан. Со понна али ужлэн котькуд участказ социалистической соревнованиез но станхановской движениез паськыт вöлмытоно, жутоно трудлэсь производительностьсэ. Та нунал'ёсы быдэстоно кын улэ гыронзэ, ю кутсанзэ.

Та нунал'ёсы 100 проценты быдэстэмын луыны кулэ государствалы пöртэм обязательной тырон'ёс. Туэ арын коньдон огазаян планзэ та матысь дыре йылпум'яно.

Та дыре колхоз'ёсын бадзым уж нуоно толалтэ азелы умой дасяськон'я. Али кулэ ни по-настоящему организовать карыны конной но скотной двор'ёсты, кутсконо но жоген быдэстоно выль гид'ёсты лэсьтонзэ но тупат'янзэ, чтобы туэ арын вань колхозной пудошуныг но чылкыт гид'ёсы толйытыны пыртэмын мед луоз.

Та берло ар'ёс кустын ВКП(б) лэн Центральной Комитетэз но СССР-лэн Совнаркомез колхоз'ёсты азьланьын организационно - хозяйственно юнматыны понна трос важнейшой решениос кутйзы. Со решениос тупатэмын со понна, чтобы юрттыны колхоз'ёслы, юнматыны но котькызы ик паськытатыны колхоз'ёслэсь общественной хозяйствозс но та основа вылын кылдытыны сельскохозяйственной продукт'ёслэсь изобилизэс, колхозник'ёслэн но колхозницаослэн зажиточной но культурной улонзылы.

Партиной, комсомольской но советской орган'ёслэн, колхоз'ёслэн но колхозник'ёслэн, районьысь вань трудящойёслэн задачазы—партилэсь но правительстволэсь со решениоссэс уж вылын по-большевистски быдэстон понна нюр'яськон, колхоз'ёсты азьланьын эшшо но организационно но хозяйственно юнматон понна нюр'яськон, районамы пöртэм хозяйственной но политической кампаниосты дыраз но по-большевистски быдэс'ян понна нюр'яськон.

Удмуртилэн автономиезлэсь 20 ар тырмон юбилейзэ вылесь вормон'ёсын пумиталом!

## Комсомольской бригада кылдытэмын

Партилэсь но прэзительстволэсь вань государственный тыриськон'ёсты вакчи дырын быдэстон пумысь требованизэ учитыват карыса Шудегово колхозын первичной комсомольской организациысь комсомолец'ёс ас вылазы обязательство басьтйзы, комсомольской бригада кылдытыса государствалы етйн пунктон планзэ 20 октяброзь быдтыны.

Комсомольской бригада организовать карыса, ас пöлазы бригадирен, комсомолецез Егор Иванович Баженов эшез выделить карызы. Е. И. Баженов эш ас бригадаеныз котькуд нунал 7-8 валэн етйн треста льнозаводэ ворттэ.

Бригадаысь комсомолец'ёс ваньзы жутоксем мылжыдын та уже мырмыр кутскыса али ваньзы, активно, одйг нунал кельтытэк та ужын ужало. Осконо луэ, что таос колхозлэсь етйн пунктон планзэ досрочно тырмытозы шуыса.

Районьысьтымы вань комсомольской организациосысь комсомолец'ёслы Шудеговской первичной комсомольской организациысь комсомолец'ёслэсь инициативазэс поддержат карыса, етйн трестаез ворттыны комсомольской бригадаос кылдыт'яно, озы асьмеос партилэсь но правительстволэсь требованизэс уж вылын быдэстыса, етйн трестаез государствалы сётонзэ вакчи дыр кустын быдэстом, но республика районмес азьмынйсен поттомы.

Муханов.

Ленинлэн нимыныз нимам колхоз (чишмирской район, Башкирской АССР)—овощеводствоз 1939-40 ар'ёсын ВСХВ-лэн участникез но 1941 арын участвоват карыны кандидат колхозын овош'ёслэсь доход туэ арын 50 сюрс манет составит кароз.



Бригадир—садовод Г. И. Выхитова эш выль урожай арбуз'ёсыныз—1940 арын ВСХВ-лэн экспонат'ёсыныз.

ТАСС-лэн фотоз

ЛИТОВСКОЙ ССР-лэн ГОРОДЕСАЗ



Каунас карысь государственной музей

## Бригадир'ёслэн ярантэм уж'ёсы

Понинской сельсоветысь, Полдарай колхозлэн нырысетти бригадаезлэн бригадирез Набоков Павел Васильевич, такем шулдыр нунал'ёсы кутсаськонзэ жегатэ.

Тани та нунал'ёсы гинэ умой кутсаськон дыр, нош собере азьланьын олокыче но зөр'ёс луозы. Та шулдыр нунал'ёсы Набоков юыса но мар гинэ дыр'ёсты ортчыт'я. Тани, 11 октябре нокинлэсь юатэк нюлэскы пу кораны пегзиз. Нош 12 октябре юэменыз нош ик кутсаськонзэ жегатйз, ачиз бригадир кудзёмын ке колхозник'ёс но уже ичи пото ни.

Бригадир лусыса ужам береталы уй-нунал кутсаськонзэ организовать кароно вал, али уй'ёс туж югытэсь луыло, кутсаськыны туж умой, нош та ужез организовать карон интые, юыны организаторен карыськем. Быдэсак ик вераса али самой умой нунал'ёс кутсаськыны, котькыче луонлык'ёс но вань кутсаськонзэ вакчи дырын быдэстон пумысь.

Колхозник'ёс но колхозницаос кутсаськыны но котькыче уж'ёсы чукна бер 9-10 часэ гинэ пото, нош жыт вазь ик 5-6 часэ гуртазы берто ни.

Озы ик уж пöртэм уг мыны Шудегово колхозын но, бригадир Максимов Николай Васильевич, али та кылем нунал'ёсы кыктой чоже колхозник'ёссэ өз ни кутсаськыт, ачиз юыса гинэ улйз, нош колхоз'я кутсанзы 12 октябрь азелы 117 гектар вал на, та цифраез адзыса ик валано луэ, что возыт кутсаськонзэ жегатыны, тае вакчи дырын быдтыны кулэ.

Озы тйни выль гожтэм бригадир'ёслы валаны кулэ, что та нунал'ёсы кутсаськонзэ быдэстыны котькыче луонлык'ёс вань бере, тае анализыны уг яра. Нош эшшо но ке та'че уж'ёс шöдскылйзы на колхоз правленилэн заседанияз нимаз вопросэн пунктон но урод уж'ёссэс тупатон вылысь уждрад кутано.

Баженов, Муханов.

## Всеобщей воинской обязанности сярись Законэз ватсан сярись

СССР-лэн Верховной Советэзлэн Президиумезлэн

УКАЗЭЗ

Всеобщей воинской обязанности сярись 1 сентября 1939 арын СССР-лэн Верховной Советэныз кутэм законэз та'че статьяосын ватсано:

1. Действительной военной службе бастэм граждан'ёс воинской частысь лыктоно луо асьсэлэн нуллыны ярась дйськутэнызы, бордазы мед луоз: одйг пара улй бельё, одйг дэрем яке куртка, одйг брюки, нуллыны ярась пыдкучан (сапег яке ботинка), шуныт пальто яке ватной куртка, йырын нуллон (головной убор) но ас артериоссэ тырыны мешок.

Действительной военной службе зачислит карем'ёслы воинской часте вуэм беразы казенной военной обмундирование сётйське тупатэм нормая, нош призывниклэн аслаз артериосыз бастйсько войсковой частысь солэн действительной военной службыын улыточяз чоже войсковой склад'ёсын во-зён понна.

2. Рядовой но младшой начальствующою составез воинской частысь запасэ лэзьыку соос кысь военной обмундирование бастйськыса ваньмыз сётйське войсковой склад'ёсы, нош соослы сётйське асьсэ дйськутсы.

СССР-лэн Верховной Советэзлэн Президиумезлэн Председателез М. КАЛИНИН.

СССР-лэн Верховной Советэзлэн Президиумезлэн Секретарез А. ГОРКИН.

## ТАСС-лэн ИВОРТОНЭЗ

Иностранной печаттын, нимысьтыз вераса, „Дейли телеграф энд морнинг пост“ английской газетын Юнайтед Пресслэн агентствозлэн ивортон'ёсаз, „Врадини“ греческой газетын дырын-дырын ивортон'ёс потыло со сярись, что Советской Правительство, пе, Германской Правительстволы требование сётэм Германия борды выжем азьвыл поль-

ской областысьты СССР-лы сётон сярись но та ужпум'я, пе, СССР но Германия кустын кы'че ке но переговор'ёс мыно. ТАСС уполномочит каремын вераны, что вань та ивортон'ёс ээмлы чик уг тупало, быдэсак пöялляськонэн луо но провокационной цельёсын кыл вöлдон'ёслэн категориязы пыро.

Москва, Кремль, 4 октябре 1940 арын,

# МУКЕТ КУНЪЭСЫН

## Англо-германской война Германской ивортонъёс

Берлин, 10 октябре. (ТАСС). Германской информационно бюро германской армилэн верховной командованиезлэсь сводказэ сётэ:

„Толон чукнаысен кутскыса бер жытазеозь германской бомбардировщик'ёс дугдылытэк налет'ёс лэстылызы английской столица вылэ. Уйин кутскем атакаос 10 октябре чукнаозь кыстыськызы. Бадзымезь из'ян'ёс лэстытэмын Темза шур бордысь док'ёслы. Туж трос юрт'ер'ёс куашкамын городысьтыз но. Тужгес ик куашкаллызы транспортной сооружениос. Уйин туж трос тылпуос вал. Куд-огез бомбардировщик'ёс секытэсь бомбаос куязы Южной Англиысь портовой сооружениос, воинской лагерьёс, вокзал'ёс но военной предприятнос вылэ. Южной но Средней Англиысь трос аэродром'ёс бомбардировать каремын. Сент-Ивэлын, Пенрхозын но Сент-Мерринын бомбаос усьылыса

ангар'ёс но убежищеос сёрылэмын но муз'ем вылысь кёнэз ке самолет'ёс быдтылэмын. Кардиффа портын бомбардировкаен сэрен кужмоесь пуштылон'ёс но бадзымезь тылпуос вал.

Германской самолет'ёс 4 сюрс тонна ёрос водоизмещениен неприятельской торговой пароход вылэ бомбэос куштйзы. Пароход сутскыны кутскыз. Одыгез германской подводной лодка кык вооруженной неприятельской торговой судноосты выйтйз. Соослэн ог'я водоизмещениызы 7 сюрс регистровой брутто-тонна.

Неприятельской самолет'ёс Западной Германия вылэ но соин оккупировать карем район'ёс вылэ уйин налет'ёс лэстылыса бадзым из'ян карыны оз быгатэ. Неприятель лэн толон 10 самолет'ёсыз бырыз. 4 германской самолет'ёс ивортэм бырызиз“.

## Английской ивортонъёс

Лондон, 10 октябре. (ТАСС). 9 октябре потон уй германской авиация Лондон вылэ туж бадзым налет лэстытйз. Лондонлэн районысьтыз, озы ик Южной Англиысь сюлэсь трос пункт'ёсы бомбаос усьылызы.

Нырысь ик одйг германской бомбардировщик вуыса зажигательной бомбаос куштйз. Собере, котыр ласянь вуыны кутскызы туж трос германской истребительёс но „Мессершмитт“ бомбардировщик'ёс. Самолет'ёс туж вылэти лобаса, туж трос фугасной но зажигательной бомбаос куязы. Лондонлэн данак район'ёсаз юрт'ер'ёс куашкатэмын. Лондонской районысь тросэз улон зданиос куашкатэмын. Көнэ ке мурт быремын. Лондон котырысь рабочей квартал но көня ке куашкатэмын. Трос калык бырыны шедемын.

Лондон, 10 октябре. (ТАСС). Рейтер агентстволэн ивортэмез'я, германской самолет'ёс лондонской районысь 40 пункт'ёсты бомбардировать карызы. Со сяна, германской самолет'ёс Уэльс вылэ но налет лэстытйзы. Одыгаз районэ 20 бомбаос куштыса, из'ян лэстыны оз быгатэ.

## Дун улон понна нюр'ясько

Дондыкарской сельсоветысь Шалкапи колхозысь куд-ог колхозник'ёс но колхозницаос дун улонлэсь кулэлыкэ но умойлыкэ умой валазы ни. Татын сантройка ужа. Колхозлэн председателез Иосиф Яковлевич Злобин эш сантройкалэсь ужамзэ эскерылэ, талэсь требовать каре но обшой собраниосын отчитаться карыськыны косылэ. Колхозник'ёслэн корка пуш'ёсы дунэсь копотьэсь нокытысь но уд шедьты. Озы ик та сельсоветысь Сороково колхозын колхозник Семен Григорьевич Максимов эшлэн корка пушказ семьязы 13

мурт. Семьяез ке но бадзым таослэн корка пушсы котьку дун улылэ, дйсь-кутсэс чылкыт миськыса возыло. Мунчоын нимаз-нимаз таз'ёсын мисьтасько. Быдэсак ик вераса вылй гожтэм мурт'ёс валазы ни, что чылкыт улыса быгатйське котькыче висёнлэсь палдурскыны, озы тйни таослэн ноку но корка пушказы син'ёсы трахомаэн өвёл на висылымын.

Ваньмызы мукет'ёсызлы но колхозник'ёсылы вылй гожтэм мурт'ёслэсь пример басьтоно гигиенаез нуналмысь соблюдать кароно.

Баженова.

## Бозино колхозын

Бозино колхозын МТС-лэн тракторной кутсаськон машинаез 9 нунал чоже 32 тонна гинэ кутсаз ни. Малы ке шуоно, нырысь ик колхозлэн председателез Дзюин эш кутсаськон ужен умой-умой уг кивалты. Машинаос туж чем тйяськыло, МТС-ысь механик'ёс уг вуыло. Тракторист'ёслы

ужаны но улыны условие сётымтэ, судо кренен но кушманэн, йёлзы вань ке но, уг сётэ. МТФ-лэн заведующоез мон хозяин шуэ. Ёрмоно таослы оло кудзы колхозэн кивалто, оло колхозлэн председателез оло МТФ-лэн заведующоез.

Чупин.

# Асьме районысь нюлэс ужын ужась стахановец'ёслэн районной слетсылэн решениосысьтыз

ВКП(б)-лэн XVIII-тй с'ез-дэз СССР-ысь народной хозяйствоез бюджетон'я III тй пятилетней планзэ утвердить карыкуз постановить кариз, что важнейшой задачаен луэ нюлэс промышленностьэ кыллэнэс быдтон. Нюлэс промышленностьысь котькуд рабочий, инженерно-технической ужась но служащой нюр'ясконо луо большевистской настойчивостен та задачаез вакчи дырын быдэстонын, чтобы нюлэс промышленностез народной хозяйстволэн отраслиысьтыз азымынысен поттыны.

Ичи но ичи кы'е, ку вуоз замечательной дата 4 ноябре Удмуртиямылэн 20 ар тырмонэз но 7 ноябре Октябрьской революцилэн 23-тй годовщинаяез. Та датаосты подарокен лумиган понна али эшшо но производственной энтузиазмлэн выль вэрмон'ёсыз жутско. Завод'ёс фабрикаос, предприятнос, совхоз'ёс но колхоз'ёс мултэсэн но досрочно быдэс'яло ас производственной план'ёссэс. Нуналлы быдэ будо стахановец'ёслэн лыдзы. Тани нюлэс ужлэн знатной калыкез, стахановец'ёсыз: Белослудцев Сергей Д. нормаэз 135 процентлы быдэс'я, Баженов Данил Антонович—135 процентлы, Бегишев Маркил Степанович—125 процентлы, Симанов Дмитрий Д.—150 процентлы, Чупин Ефрем—130 процентлы нормаоссэс быдэс'яло. Тани валче ик Понинской лесоучастоклэн тырмымтэосыз но вань на.

Понинской районысь лесоучастоклэн II но III-тй квар-

тал'ёсызлэн планзы: нюлэс дасян'я 101 процентлы, нюлэс вортон'я 16 процентлы но нюлэс поттылон'я 90 процентлы гинэ тырмытэмын ни.

Лесоучастоклэн ужаз окмымтэез луэ ужез умойтэм пунктоньын—ужын стахановской методэз ляб использовать каронын, колхоз'ёсын но колхозник'ёсын индивидуальной договор'ёсты заключить карон пумысь.

Асьме районысь лесоучасток луыны кулэ ужлэн азымынйсь отрасленыз. Ми районной совещанилэн активез, Удмуртиялэсь 20 ар тырмонэз но Октябрьской революцилэсь 23 годовщинаэз умоесь подарок'ёсын лумитаны понна ас выламы та'еесь обязательствоос басьтйськомы:

1) лесоучасток'я 1940 арлэн IV кварталысьтыз планзэ Удмуртиялэн 20 ар тырмонэз но Октябрьской революцилэн 23 годовщинаэз азелы 80 процентлы тырмытоно, ноябрь толэзьлэн берпум нунал'ёсаз нюлэс дасянэз 100 процентлы но нюлэс поттылонэн нырысетй декабрь азелы озы ик тырмыт быдэстыны. 1941 арлэн I кварталэзлэсь планзэ 1941 аре 25 январозь 100 процентлы быдэстыны.

2) Сельисполком'ёс, колхоз'ёс, бригадаос, звеноос но нимысьтыз ужасьёс пöлын паськыт вöлмытыны социалистической соревнованиез но стахановской движениез.

3) Нюлэскын кораскысьёсты тырмыт обеспечить кароно рационализированной инструмент'ёсын.

4) Добиться карыськоно вылй трудовой дисциплинаез но

ужан нуналэз тырмыт нагрузкаен.

5) Тырмыт освоить карыны техникалэн безопастьезлы лэзем средствоосты.

6) Лесоучастокысь красной уголок'ёслэсь, библиотекаослэсь ужэс умой пунктны нюлэскын ужасьёс пöлын всемерно культурно политической обслуживаниез умоятныны.

7) Ужасьёслы кулэ луись вуз'ёсын бесперебойной вузкаронэз но пöсь сионэз ужан интыосазы вортонэз организовывать карыны.

8) Сельисполком'ёслэн, колхоз'ёслэн председателёсы ас вылазы обязательство басьто: нюлэскын ужась кужымез организованно поттон, нюлэс дасясь организациослы нуналмысь юртгэт сётныны заключить карем договор'ёс'я нюлэскын ужась колхозник'ёсты. Чем вош'янез кылем арлэсь практикаоссэ палдуртыны

Вылй гожтэм обязательствоосты ас выламы басьтйськомы.

1) Белослудцев Сергей Данилович, 2) Баженов Данил Антонович, 4) Бегишев Маркил Семенович, 4) Симанов Дмитрий Дмитриевич, 5) Чупин Павел Семенович отиськомы социалистической соревнование но призывать карыськомы лесной организациосысь вань ужасьёсты, колхозник'ёсты но колхозницаосты, сельисполком'ёслэсь но колхоз'ёслэсь председателёссэс, честной но добросовестной ужен Удмуртиысьтымы народной хозяйстволэн отрасльёсыз пöлысь лесной промышленностез одыгеныз азымынысен поттыны.

В. Чупин.

## Колхоз канцелярия уг шедьто

Почашевской сельсоветысь, Помаг колхозын (председателез Золотарев В. С.) ас ответственной ужаз халатно относится карыське. Колхозник'ёслэсь маке (верамзэс кылэм улэ но уг кары. Тани, ревизионной комиссилэн председателез Данилов эш, правленилэн заседанияз одйг полгинэ оз на вералля, комиссия член'ёсты быр'ёно шуыса, нош Золотарев тае уг кылскы, ялам аслэсьтыз лэстыэ, ревизионной комиссие член'ёсты уг бырызй.


Счетоводлэн но бригадир'ёслэн постоянной ужан интызы но өвёл, канцелярия утчаса, коркась коркати ветлоно усе. Канцелярия утчаса ветлытчозь куддыр'я нунал но озы ик колхозник'ёслы уж сётчатэк кылылэ.

Ревизия но туэ арлэсь одйг пол но лэстымтэ на. Нырысь ик со луиз ревизионной комиссилэн член'ёсыз өвёлэн, кыктэтиез, ревизия лэстыны нокин но корказ уг лэзё, канцелярия өвёл.

Колхоз председателызы Золотаревлы валано усёз, канцеляриялы умой-умой постоянной помещение шедьтоно, ревизия кажной кварталлы быдэ лэстылоно, талы понна ревизионной комиссие член'ёсты быр'ёно.

Данилов.

Ваньна эшшо районны сы'че колхоз'ёс, куд'ёсыз али но одйг пудо ферма но умой-умой организовать өз на каре, карызы ке но неполноценной фермаосты. Куд-ог колхоз'ёс колхозэ басьто одйг парь яе така но ферма тырмыт кылдытэмын шуыса лыдыяло.



Табы учко Заболотно колхозын (председателез Афонин) но Вильгурт колхозын (председателез Резенов).

## Пудо вортонэн нивалтымтэлэн бервылыз

Слудской сельсоветысь Н-правление ноки'че уждрадоно Слудка колхозын пудо вортонлы ноки'че саклык вис'ямтэ, тае тодыны луэ соин, что туэ сизыл гинэ колхозысь 3 чуньы но племенной така бырызны ни. Ваньмыз ик со старшой конюхлэн Агафонов лэн но ОТФ-ысь заведующой—Богдановлэн животноводство бордын халатно относится карыськеменызы гинэ колхозлы из'ян луиз. Нош колхоз

правление ноки'че уждрадоно уг кугы.

Агафоновен Богдановенлы ас ужаз халатно относится карыськемыз понна малпано луоз, что колхоз правление конкретной уждрадо кутос шу-са но колхозлы из'ян лэстытэмзэ виновник'ёсызлэсь взыскать кароз шуыса.

Редакторез воштйсь Н. Баженов.